



ORDENANZA FISCAL Nº 16

ORDENANZA REGULADORA DO REXISTRO MUNICIPAL DE CICLOMOTORES, VEHÍCULOS CON CILINDRADA IGUAL OU INFERIOR A 50 CC., E DA TAXA POLA EXPEDICIÓN E ENTREGA DE PLACA IDENTIFICATIVA.

ARTIGO 1º .- CONTIDO

1- A presente Ordenanza ten como obxecto regular e ordena-la inscrición e rexistro dos ciclomotores e demais vehículos con cilindrada igual ou inferior a 50 cc., propiedade de residentes neste termo municipal.

2- Así mesmo , no uso das potestades conferidas polos artigos 133.2 e 142 da Constitución, polo art.106 da Lei 7/85, do 2 de abril, Reguladora das bases de réxime local, os artigos 20 e 58 da Lei 39/88, do 28 de decembro, e de conformidade co disposto nos artigos 15 a 19 da Lei 39/88, do 28 de decembro, este Concello acorda a imposición e ordenación da Taxa pola expedición e entrega establece e regula na presente Ordenanza as taxas pola entrega da placa identificativa dos ciclomotores e polo rexistro da transferencia dos mesmos.

ARTIGO 2º .- OBRIGATORIEDADE DO REXISTRO.

1- Todo propietario dun ciclomotor ou vehículo con cilindrada igual ou inferior a 50 c.c. ten a obriga de inscribilo no Concello no prazo de dez días hábiles dende a súa adquisición, e sempre con anterioridade ó seu uso.

2- A inscrición farase mediante unha instancia dirixida ó Sr. Alcalde, acompañada dos seguintes documentos :

- a) Fotocopia do DNI e certificado de empadramento
- b) Documento no que consten as características de fabricación do vehículo, marca, modelo, número de bastidor e cilindrada.
- c) Factura de compra ou declaración xurada sobre a adquisición do ciclomotor por calquera das formas recoñecidas en dereito.
- d) Xustificante de ter ingresado a taxa que se regula no artigo 7º.
- e) Acreditación de ter contratado e en vigor o seguro obrigatorio.
- f) Xustificante de abono do Imposto sobre Vehículos de Tracción Mecánica.

3.- Unha vez cumprimentada a anterior documentación, entregárase ó solicitante :

- a) A tarxeta de inscrición no rexistro municipal

- b) A placa de matrícula, que haberá de colocarse na parte posterior do vehículo

ARTIGO 3º.- OBRIGAS DO CONDUCTOR

1.-O conductor do ciclomotor queda obrigado a estar en posesión e levar consigo a seguinte documentación:

- a) Licencia válida para a conducción.
- b) Tarxeta de inscrición no Rexistro Municipal.
- c) Documento acreditativo de estar en posesión e ter en vigor o seguro obrigatorio de responsabilidade civil derivado do uso e circulación de vehículos a motor.
- d) Certificado de características do vehículo ou documento que o substitúa.

2.- A documentación expresada na apartado 1 deste artigo deberá ser exhibida ós axentes da Policía Local cando estes a soliciten.

ARTIGO 4º.- TRANSFERENCIAS DO CICLOMOTOR.

1.- O titular dun ciclomotor inscrito no Rexistro Municipal que queira transferilo deberá facer constar no reverso da tarxeta de inscrición a palabra " transferido", consignando a continuación o nome, apelidos e domicilio do adquirente, data de transmisión e a súa sinatura recoñecida. Ademais estará obrigado a notifica-la transferencia ó Concello no prazo de dez días hábiles, facendo constar os datos do adquirente e a data de transmisión.

2.- O transferinte que incumprise as obrigas sinaladas no apartado anterior seguirá sendo considerado a efectos do Rexistro como titular do vehículo ata que este non se inscriba o nome doutra persoa.

3.-A persoa que adquira o ciclomotor deberá solicitar no Concello a inscrición do mesmo, o seu nome e a consecuente renovación da tarxeta de inscrición no Rexistro Municipal de Ciclomotores, facendo constar tódolos datos esixidos para a primeira inscrición e xustificando o pago da taxa regulada no artigo 7º.

ARTIGO 5º.- INFRACCIÓNS E SANCIÓN.

1.-De conformidade co establecido na Lei sobre Tráfico, Circulación de Vehículos a Motor e Seguridade Vial (Real Decreto Legislativo 339/90 de 2 de Marzo) e tratando de especificar as súas disposicións, segundo o disposto no art. 129 de Lei 30/92, constitúen infracción a esta Ordenanza os seguintes feitos:

- Non ter procedido á inscrición do ciclomotor no Rexistro Municipal de Ciclomotores no prazo establecido no art. 2 desta Ordenanza.
- Conducir o ciclomotor ou vehículo sen estar en posesión e levar consigo a documentación esixida nos apartados a), b), c) e d) do artigo 3º desta Ordenanza
- Non levar colocada a placa de matrícula no ciclomotor.
- Non cumprir as obrigas establecidas nesta Ordenanza para os casos de transferencia do ciclomotor.

2.-As infraccións definidas no apartado anterior sancionaranse con multa de ata 60,01€, e levarán



consigo a inmovilización do vehículo e o seu traslado ó depósito municipal correndo a cargo dos seus titulares o abono dos gastos que se orixinen.

3.-O procedemento sancionador adecuarase o establecido nos artigos 134 a 138 da Lei 30/92 de Réxime Xurídico das Administracións Públicas e Procedemento Administrativo Común, no Regulamento de Procedemento Sancionador (R.D. 1398/93 de 3 de agosto) e no Regulamento de Procedemento Sancionador en materia de tráfico, circulación de vehículos a motor e seguridade vial (R.D. 320/94 de 25 de Febreiro).

ARTIGO 6º.- NORMAS SUPLETORIAS.

No previsto na presente Ordenanza aplicarase o establecido no Texto articulado da Lei sobre Tráfico, circulación de vehículos a motor e Seguridade vial, no Regulamento Xeral de Circulación (R.D. 13/92 do 17 de Xaneiro), no regulamento xeral de conductores (R.D. 772/97, do 20 de maio, e nas demais normas sobre a circulación de vehículos.

ARTIGO 7º.- FEITO IMPOÑIBLE

Na presente Ordenanza créanse os seguintes feitos impoñibles:

- a) A adquisición obrigatoria da placa co nº de identificación do ciclomotor e a inscrición do mesmo no Rexistro Municipal de ciclomotores.
- b) O rexistro da transferencia da titularidade dos ciclomotores.

ARTIGO 8º .- SUXEITOS PASIVOS.

1.-Na taxa pola adquisición obrigatoria da placa identificativa o suxeito pasivo é a persoa física ou xurídica titular do ciclomotor.

2.-Na taxa por inscrición da transferencia do ciclomotor o suxeito pasivo é o adquirente do mesmo.

ARTIGO 9º.- TARIFAS

A taxa esixirase de acordo coas seguintes cotas tributarias:

- Adquisición obrigatoria da placa identificativa.....15,03 €.
- Inscrición da transferencia.....3,01 €.

ARTIGO 10 º .- RECADACIÓN

As taxas faranse efectivas nas Dependencias Municipais como requisito previo para adquirir a placa identificativa e realiza-la inscrición do ciclomotor, así como para rexistra-la transferencia do

mesmo.

DISPOSICIÓN TRANSITORIA

Aqueles ciclomotores ou vehículos con cilindrada igual ou inferior ós 50 cc. adquiridos con anterioridade á entrada en vigor desta Ordenanza deberán inscribirse no Rexistro Municipal de Ciclomotores no prazo de tres meses, e cumpri-los demais requisitos establecidos nesta ordenanza.

DISPOSICIÓN FINAL

A presente Ordenanza entrará en vigor unha vez publicado o seu texto definitivo no Boletín Oficial da Provincia, e será de aplicación a partires do día 1 de xaneiro de 1999, permanecendo en vigor ata a súa derogación ou modificación expresa